


欽定古今圖書集成

方輿彙編職方典



欽定古今圖書集成方輿彙編職方典

第七百三十四卷目錄

鎮江府部彙考十

鎮江府祠廟考二 寺觀附

鎮江府驛遞考

職方典第七百三十四卷

鎮江府部彙考十

鎮江府祠廟考二 寺觀附

府志

本府 丹徒縣附郭

金山寺 在金山東晉時建名澤心趙孟頫謂

元帝時虞集謂明帝時未知孰是梁天監中水

陸儀成嘗卽寺修設祥符圖經謂始於唐因頭

陀開山而誤也宋大中祥符五年改山曰龍游

天禧五年復名山曰金而以龍游名寺咸平初

澤心寺僧幼聰獻山圖詔遣內侍藍繼宗賜大藏經大中祥符五年詔改山名曰龍游天禧五年又遣內侍江德明就飾佛像給錢三百萬市木修寺寺僧求表舊名詔山曰金山寺曰龍游政和四年改爲神霄玉清萬壽宮時詔天下悉立此宮鎮江府以龍游寺改建徽宗親書殿閣等名賜之爲天下神霄第一南渡燬於火淳熙中僧蘊衷重修明永樂中僧道瀾創建兩廊及毘盧閣洪熙間葺大悲殿正統十一年寺燬明

年都綱弘霑重建是歲勅賜藏經自元以來通謂金山寺寺中爲大雄殿其前爲天王殿東北爲伽藍殿西爲祖師殿其後越毘盧閣爲藏經殿明侍郎周忱建以貯正統間賜藏藏經殿之後爲觀音殿明永樂間內侍鄭吉祥建山有薦慈塔二宋元符末知樞密院曾布建宋末燬於兵燹隆應二年僧明了募建

焦山寺 在焦山傳燈錄載爲歷代祖庭創自漢興平間名普濟寺唐時僧法寶重建宋名普

濟庵元祐初了元禪師居之復名寺景定癸亥
燬僧德暎建郡守陳均記元名焦山寺兵燬明
宣德正統中僧覺初心建規模宏壯景泰間其
徒弘衍拓之梵宇之盛遂與北固金山抗矣
鶴林寺 在黃鶴山下舊名竹林晉大興四年
創宋高祖微時嘗游焉及即位改今名唐開元
天寶間法照懸素主其地始為禪寺又名古竹
院唐李涉詩因過竹院逢僧話即此後薛朗劉
浩作亂寺燼宋紹興中重建改名報恩光孝禪

寺咸淳間僧慶清重修寺在山南明永樂中寺
燼僧得月就古竹院稍葺治之即今址也弘治
中了心始建殿宇萬曆間郡守秀水鍾庚陽招
僧德乘居之吏部尚書陸光祖捐金復寺旁侵
地重建天王殿及方丈僧寮蓮亭竹院馬邦良
有記

皇清康熙乙巳僧靜能無怠重修

招隱寺 在城南七里招隱山宋景平元年曇
度禪師所創按梁晉安王綱刹銘即戴顓隱居

之地又云顓始至京口嘗居竹林其後築館此山梁昭明太子嘗讀書於此元俞用中碑曰戴顓女捨宅爲院昭明石案尙存寺有石井傳爲昭明所開有珠珍泉及亭李迪構虎跑泉鹿跑泉唐學士蔣防爲記泉各覆以亭有玉藥花及宋人題味玉藥亭詩又有唐宋諸賢題味石刻明正統中遷於鶴林寺有米芾南宋戴顓高士記斷碑

增華閣

萬松關

李迪創唐駱賓王劉禹

錫張祐有詩

竹林寺 一名夾山禪院在城南六里創建自晉廢已久明崇禎間禪僧林臯來山構草棚獨居二年創名藍上有洛浦基獅子崖夾源井放生池百尺松林公泉普同塔臥如來祖師塔一佛居

因勝寺 在城西二十五里五州山梁時山中
有寺武帝曾遊幸焉輦道尙存宋熙寧中陳丞
相升之葬其親於山山半建寺曰顯慈其登眺

所曰日觀曰臥雲蘇軾題其亭曰臥看滄江題其泉曰夕聽流泉建炎間徙山下曾布有詩後廢先是虎踞門內唐大中六年建寺曰妙喜宋元祐中蘇右丞頌請爲功德院遂名爲因勝報親院有黃庭堅開堂疏石刻及米芾跋寺有石羊後失所在元至正間燬僧懸炫復建明洪武時又燬成化時僧戒琇重建尋廢萬曆間有北僧治淨來山中結茅獨居郡劉笪何曹四姓爲市山創建因移城中因勝舊額於寺規制宏敞

有普同塔院千尺井陳元素金剛經偈曹廷傑記崇禎末土兵燬其殿後禪僧剖玉主寺開叢林繼以克初更構大殿克初逝僧朗真繼之善禧寺 在朝陽門外舊名南山報恩隋開皇間凜禪師建於通吳門外武烈帝廟側唐乾符中愨庵愿師於寺南別創廟改舊廟爲寺請南山報恩額揭之元至元中僧文遷於此額山門曰南山福地卽宋安撫使濮氏之故宅明洪武中僧源建觀音殿末樂初僧用謙建悠然閣藏

殿山門景泰二年弘慈重建殿宇三年德定奏請勅賜今額弘治十五年道清建法堂嘉靖間圯僧明琇重修後漸荒圯

皇清康熙丙午禪僧雲德重修復與禪林本寺原賜公莊田地九千八百有奇寺基九百四十畝今實存僅田十畝地四十六畝山十三畝塘二畝共折五十七畝五分嘉靖中郡守秦淦撰復田碑尚存

萬壽寺 在汝山麓宋趙安撫故宅元大德中

僧志和徙此既而燬延祐中復創又燬明重建丁元吉記後分東西二房日漸頽廢

皇清順治戊戌禪僧端明與徒宗印居東房募千餘金修建復爲禪林

勝果寺 在虎踞門外宋乾道中建高宗成肅皇后謝氏功德寺也后父冀王母慶國夫人劉氏墓在焉寺有石渠上構流憩亭又有古綉七佛像及墨竹石刻今皆不存又有銀杏一株甚巨相傳創寺時所植

皇清康熙二十年內閣學士禮部侍郎張九徵重修
督工人程東昇捐資助工募新佛像延僧主其
寺

登雲寺 在城西登雲門外舊名福因智果院
唐貞觀間僧俱胝建賜額宋曾文肅公布捨田
重建有登雲臺明初僧祖心景泰中僧宗璽繼
新之

能仁寺 在洪澤寺西舊在城西開東宋建炎
初創建待制陳桷以金壇能仁廢額揭之紹興

中燬開禧三年僧寶福重建元至正七年又燬
明邑人劉宗璧捨宅創寺於小圍橋西洪武二
十五年僧慶元始遷此成化己丑僧湛然重建
大覺寺 在城南鴻鶴橋北宋建炎間始創建
炎兵亂大帥劉光世聚骸瘞此俗號萬人墳明
末樂中燬僧圓瞳復創弘治九年僧雲仙重修
天王承慶寺 在登雲門內陽彭山麓初名感
慈院梁天監中建宋景定初重建明洪武中僧
從福重修有遠塵軒

延慶寺 在葛家巷舊在壽丘山宋建炎中燬地為軍寨而額尚存景定五年僧祖亮移額建此明末樂成化間僧慧詮圓惠重建

海會寺 在丹徒鎮宋建炎三年創舊名尊聖

後改今額或云天聖中改名明正統三年重建

禮部尚書王英記

未安寺 在城西石門之東明弘治癸巳僧圓

海重建

未業寺 在登雲門外原額鮮雲寺又以祀吳

季札呼先儒寺宋乾道間建

皇清康熙間禪僧鐵梅重修

東霞寺 在圖山下舊名顯孝褒親院唐寶曆

間建

三山寺 在六都崇德鄉宋乾道三年僧祖福

建明弘治六年僧晟重修

洪山寺 在東嶽廟西又名未安寺郡人丁禮

記今為叢林

長山寺 在十四都宋紹聖四年僧智琦建

永興寺 在城西經家灣宋淳熙二年僧惠隆建請金壇廢額揭之

地藏寺 在九華山明萬曆二十年周棟建

橫山寺 在十四都宋乾道三年僧道能建

法雲寺 在平昌鄉唐大中五年建初名流水

院宋改今額寺有大中年所鑄鐘

大聖寺 在新豐鎮宋景定二年僧祖灝建

羅漢寺 在唐顏山下唐天復中安王亡其名施

果園為之宋建安中燬隆興中講僧崇習重建

教授熊克記明末樂中楚芳重建成化末復燬

弘治十年惠濬重建萬曆間如亮重建改名通

濟毘盧閣貯大藏經

水陸寺 在文昌巷羅漢寺南宋淳祐元年虞

法師建明洪武中燬末樂初僧慧廣慧詮重修

皇清康熙間僧道恆重修

靈建寺 在定波門外唐元和六年建

皇清康熙二十一年僧尚旭重修

彌陀寺 在懷德坊車家巷元至元間末嘉張

氏捨宅建

玉山報恩寺 在西津渡口元至大三年建卽
浮玉亭基也明弘治間郡守王存忠重修構觀
瀾亭尋圯崇禎間昭陽李長科憫風濤溺人卽
山下建避風館僧長鏡主之樓閣宏敞往來江
上者得憩息待渡又募造救生船十拯溺論生
死殊其賞利濟甚衆

普照寺 在郡城壽丘山巔宋高宗故宅也初
創寺名慈和後改延慶先是泗州有僧伽塔紹

興中建塔院於此山之上方以奉僧伽像名曰
普照元僧祖滿創楚山閣趙孟頫書額至正中
西竺僧法喜以音吐洪暢賜號圓音大師爲三
十六路講師被命至寺講梵書築半山亭扁曰
開演長生御講明初郡守俞淨能命僧曉堂大
加修飾正德辛未監察御史謝琛屬推官史魯
分寺後隙地建宗忠簡公祠今廢張祐夜登慈
和寺上方有詩

龍華寺 在壽丘山麓宋紹興十一年創寺有

大聖殿正宗閣慈雲閣華嚴閣處士堂處士姓
趙淮南人元俱燬明洪武中僧雪堂創大雄殿
諸天閣正德二年天王殿火五年信悅重建山
門舊僧綱司在焉昔有異僧自西域來傳辟支
佛腦牙及五色舍利留寺中寺廢改創縣學
惠安寺 在綠水橋北本甘露寺下方浴院南
唐保大中自維揚迎旃檀瑞像於此初向文簡
公有欽聖皇后賜功德院在開封南渡後寺僧
負公像至京口乃創此寺以舊額揭之并公像

在焉

向善寺 在城東北五十里十一都按祥符圖
經宋將軍劉氏捨宅爲之唐會昌中廢咸通中
復曰僧伽禪院宋改今額明洪武中燬永樂中
僧智榮重建

昭慶報慈寺 在城西僞吳順義三年置初名
延壽宋改普慈蘇軾詩普慈寺前千竿竹卽其
地也政和間賜今額中書侍郎劉逵請爲功德
院賜今額明弘治八年僧清淵重修

妙喜寺 舊在通吳門內宋都統司之功德院也中有紀忠堂宋軍帥畢再寓列陣亡將士姓名祀之今廢

雲臺寺 舊在青陽門外烏龜灣之西宋紹興

間建宗忠簡公功德院也明洪武間郡守劉辰

復立祠復置田學士王景記寺今廢

普濟寺 在黃社村偽吳乾正三年徐知諫建

舊名資福宋大中祥符四年改今名

長樂寺 在澗壁宋紹興中建取金壇廢額揭

之寺有塔延祐元年建

圓覺庵 在黃祐坊宋咸淳間建元至元二十

七年修

白蓮庵 在唐顏山東

廣惠庵 在鎮江衛西近城下俗呼觀音堂庵

有神曰黑哥哥失猫者禱之輒應又呼為黑哥

哥庵

興善庵 在夢溪北康熙初僧元德重修

圓通庵 在黃祐坊唐李贊皇創明楊文襄重

修

翠巖室 在五州山禪僧慈舟清修苦行自食其力翠巖其所手築也

蓮子庵 在城南鶴林寺西明崇禎間禪僧蓮子建

峴山庵 在峴山麓秦僧古道創

銀山庵 在豎土山舊褒忠廟之旁明萬曆間僧性源住持海珊建

雨華庵 在朝陽門外久為禪林禪僧堅明重

修

潮音庵 在城南八公巖僧若水建

寶華庵 在東門外康熙初僧上智建

慈蔭庵 在城南漕河西岸

荷香庵 在城南漕河岸耆民周葵周士彥修

集善庵 在城東漕河之濱釜頂山側順治間

僧寂靜建

大悲庵 在新豐鎮康熙丙午僧照弘建

大珠庵 在城南三十里明嘉靖中建

準提庵 二一在北門外明萬曆間僧守源建

康熙初僧照文重建一在城南天福山麓明崇

禎間僧照玆建

吉祥庵 在城南內城下順治初僧性明建

上方寺 在朝陽門外明天啓間建

皇清順治初重建

淨業庵 在西城外漕河西南岸明萬曆中僧

古松建今庵中奉有古松法身土人又呼曰活

佛庵順治間僧普祥重修

紫竹庵 在八公巖

普福庵 在北門外順治十八年僧海會建

海潮庵 在丹徒鎮漕河東岸

三聖庵 在西城外掘港頭

接引庵 在北門外郡厲壇前明崇禎初年西

蜀峩嵒山僧道行能施呪食建庵於此

蓮花庵 在城西陽彭山之右明初僧養仁建

後僧慧徹重修

表善庵 在南門內油壘巷

漢隱庵 在八公巖舊係陸氏別業康熙癸丑

新安黃氏買為庵延僧超曇居焉

佛化庵 在城東柳泉

寶蓮庵 在定波門外龍埂東順治初僧元照

建

菩提庵 在鎮西倉後順治五年僧如聞建

竹隱庵 在桃花塢東順治四年僧通璽建

普陀岩 在西城外昭關之南宋延祐間邑人

鍾仁卿建明成化間裔孫鍾溥重修胡佑記

皇清鍾允升同僧海潮重葺

福緣庵 在西城內倉巷口康熙四年僧超嶽

募建

普霖庵 在孟家灣明萬曆間建

皇清康熙間重建

乾元萬壽宮 在府治西瓶場巷宋安撫使葉

再遇故宅也元大德五年元明弘道冲應真人

余以誠改創宮之門曰通元南有園池亦葉氏

舊業也丙午勅賜今額尚存俞希魯記又有開府儀同三司輔成贊化保運元教大宗師張上卿畫像并趙學士孟頫奉勅贊辭明成化丙午郡守熊佑命報親院道士范文深主之弘治丙辰文深竭貲募衆重建正殿後殿兩廊法堂及門外石橋規制宏麗始復舊觀

元妙觀 在石碓橋西北俗呼東觀卽唐紫極宮老子祠也宋祥符己酉改曰天慶唐以老子爲祖乃建宮奉之長安曰太清洛陽曰太微諸

郡曰紫極宋祥符己酉詔天下置天慶觀近臣有請但葺紫極宮用寬勞費越四載壬子詔於天慶觀置聖祖殿紹興十三年災乾道三年總領周石重建元元貞元年改今額有司上言江南新附郡邑有所謂天慶觀者宜改賜嘉名以協順天應人之義遂賜名元妙大德五年道錄余以誠重修藏殿兩廊正一堂又建方丈樓閣八年道判滿持正重建三清殿陳膺記明初以爲祝釐之所洪武十五年建道紀司於西廡後

景泰二年住持宦王安尹道冲重創殿宇又創三官祖師藏殿兩廡尚書沈固記成化二十年副都紀魏德真遷道紀司於觀街之南仍建法堂五間於殿後弘治十七年立石坊牌於街之東西東曰紫極仙宮西曰蓬萊仙境舊有宋徽宗所賜末鎮福地金牌及趙孟頫度人經石刻今俱不存萬曆丙申知府王應麟闢大門於堂之右直通太平街殿左有碧霞元君殿隆慶二年建今俱圯

道冲觀 卽后土別祠在石礎橋北南唐保大中建明洪武末樂間女冠管師達建諸殿成化丙申巡撫都御史牟俸并報親道院入縣學乃屏出女冠以居報親之衆後漸圯形家言因三清殿東向弗利

皇清康熙壬子郡人改殿向南

紫府觀 在大慈鄉馬跡山宋末初二年建舊名福業唐上元令王中康爲記宋治平元年賜今額有福地方圓丈餘上有鎮福石雨雪不霑

玉蘭花黃龍青龍二洞抱朴子丹井白馬老君
石跡天下第四十九福地也咸淳志此乃東海
道君叅白馬老君傳授相骨經之所故多靈蹟
陳輔蘇庠朱倬皆有詩明宣德九年火成化十
年住持孫禮恆建玉皇閣三清殿弘治十年孫
信輓建山門兩廡

明真觀 在長樂鄉邑人吳伯善捨宅為之伯
善即妙明真人吳允淨之祖舊名修元唐末兵
亂僅存遺址宋太平興國中道士黃贊元重建

大理寺丞王崇古記紹興中燬既而復建元皇
慶元年提點住持觀事余慶生增修學士虞伯
生題額

報恩光孝觀 在府治西南三里舊名天寧萬
壽宋蔡京書扁紹興丁巳改今額中有景命萬
年之殿建炎初兵犯鎮江以火箭射殿之藻井
而箭端燄滅迄不能焚觀已廢今元真庵其下
院也

華陽觀 本仁靜觀宋徽宗改今名在十一都

唐貞觀中法師魏隆居其中

崇福觀 在郡城大市西南元至元三十一年

福唐商郭顯祖建置供衆元泰定二年增建明

正統中燬復建弘治三年重建彌羅閣前樓

奉真道院 在郡城花園巷宋韓蘄王置院有

鐵爐銘識嘉定十二年鑄元至元十九年道士

趙道淵重建俞希魯為記

真武道院 在市河岸東宋季道人韓朴庵創

元至元十九年冬大雪有道人敝衣求宿因置

之廚下明早莫知所在但見一盆覆地啓視之

作一圈圈中有雙足跡跡中各一口字仍草地

為詩曰會得青蛇元妙識破師門孔竅價值萬

兩黃金知音一文不要衆以為呂洞賓也故俗

呼洞賓庵云

梓潼庵 在文昌坊梓潼巷唐時建

皇清順治十一年僧海曙重修

三茅道院 在金銀門外寶蓋山麓元延祐四

年女冠戴守元建明洪武間火宣德間復創今

爲庵僧寂仁寂禮主之

會真堂 在馬蹟山西康熙十一年建上奉玉皇棲住全真

元真庵 在七師橋卽舊光孝觀之下院明正統間重建三元閣弘治間再建玉虛殿

皇清康熙初重建大殿拓而新之

清真庵 在郡城顧著作巷元至元中張道淵捨家建乃三茅元符宮下院也

玉皇殿 舊名拱真庵在城西三里濱江舊爲

真武廟鎮於銀山唐貞觀初創宋高宗南渡改名拱真庵元末張士誠遣戴院判入寇明太祖討之至浮子門盡降其衆駐師蒜山下幸庵中時甘露寺僧師一朝見獻詩上悅後傾圮萬曆初全真董長清募造山門有五岳樓兩翼有三官殿北極殿章臺正殿規模廣大更名曰玉皇殿

報親道院 在斜橋南元至元十八年建有會真堂竹溪小隱堂奉先祠增三清殿明成化丙

申以其地并入縣學院遂廢

南雲臺 在城西寶蓋山巔張真人命道士某

來潤建三官殿謂之南雲臺

丹陽縣

普寧寺 在縣治南一里晉咸康五年內史王

珣捨宅爲之本名顯陽唐改名朝陽避中宗諱

宋大中祥符中賜今額咸淳甲戌殿爲雷震火

起鴟吻兩殿俱燼元至元二十九年傅謙始撤

鐘樓而新之大德間重建大殿泰定甲子增砌

法堂丁卯又建方丈舊有十六院嘉定中尚餘

其半明洪武三十二年里人蔡彥祥重修永樂

二十二年僧慧深繼葺嘉靖元年正殿燬十九

年僧慧滄募建又僧寶欽洪瑾募建法堂樓五

間真玉募建鐘樓

延慶寺 在縣南五里譚莊舊名接待院唐貞

元中勅賜基地九畝六分建院後燬宋嘉泰中

僧皓始創小庵於烈帝廟西紹定間僧廣直徙

今所請廢寺額揭之嘉熙後僧道坦繼成之元

廢明宣德八年僧圓琪鼎剏法堂募孔思濟嚴
肅吳源等重建正殿

皇清順治辛丑年法堂燬僧淨億鼎建後樓康熙四
年僧淨億得會重修正殿山門兩廊并塑前後
佛像弘規頓易遂成名藍爲丹陽諸寺院之甲
皆淨億得會二僧之力也

昌國寺 在縣南三十里延陵鎮西晉太康二
年僧明本建唐大中初重建宋嘉祐間修葺奉
議郎陳無逸記明永樂正統間相繼增建寺有

古銅鐘唐開元中鑄

崇教寺 在經山下舊名經山院晉咸康間佛
佗尊者剏立唐重修宋治平間賜今額王存記
明永樂間修葺寺有雨花臺金牛洞晉銀杏樹
大同寺 去縣東北二十五里舊名同林寺一
名大同庵西晉時建元延祐間僧本中峯重建
改今額後兵燬明永樂初僧道正復建寺有古
井三曰西來泉左南斗右北斗福安橋爪髮塔
放生池

祇林寺 在縣西北十五里請金壇廢寺額揭之舊名雲臺寺唐清泰間僧道初建明洪武三十年重建景泰四年普寧寺僧圓悟住持撤新兩廊

梁寶寺 在縣南五十里丁橋西梁大同間建明正統二年僧文結鄉人符文達荆文重建增置寺田

廣教寺 在縣東北四十里卽沈山院唐神龍二年僧國舅寶法師建南唐吏部郎沈彬爲處

士時居此院之北有庵存焉有柏號環翠屏卽其地陳輔之少時至此每經歲始去有梁父吟牛角歌悲昔遊三詩宋景定三年僧行敏重建祇園寺 在縣東南六十里東泊舊名金園唐乾寧六年建宋治平間改今額靖康間兵燬景定間建而復燬明末樂間僧慧原建正統中僧普明募里人張衡增建隆慶初僧慧瞪圓金募修

香巖寺 在雲陽橋北漕渠東岸唐天祐九年

建舊名法果宋改今名比丘尼所處久廢惟石幢尚存

菩薩寺 在縣西二十五里舊名菩薩院唐寶曆間僧紹齋建

妙覺寺 在縣東仁聖坊舊在經山寺東宋元祐間建明洪武中天童住持自性移額鼎建正統三年僧法力募貢原懋賀伯忱修葺嘉靖初燬四十三年重建又建天妃宮于後

定善寺 在雲陽橋南漕渠東岸宋淳祐間淮

僧宗恩建成淳間重建明末樂景泰間相繼修建後廢萬曆間僧正喜移建於尹公橋側邑人呼爲海會庵

妙果寺 在縣東南七里竹村宋咸淳中邑人

蔣氏子出家創庵修白蓮教後改爲寺元至元大德元統間相繼恢拓遂爲邑中巨刹後兵燬明正統元年僧未昇募駐懋錢萬瑜等鼎建景

泰四年萬瑜獨修寺前虎溪橋嘉靖隆慶間僧淨琳原達相繼增葺歐陽元功作塔碑

智寶寺 去縣二十里舊名智寶院宋紹興間
建明景泰初僧明朗重建

嘉山寺 在嘉山龍池東宋紹聖間僧如用建

明宣德間重建正統中修葺歲久頽廢萬曆間

僧明海與其徒覺澄告復寺田二頃山一頃重

建正殿龍王廟及堂寢庖湏凡若干楹

惠安寺 在縣東五十四里一名惠安院又名

南寺宋丞相錢氏功德院也慶元間建後兵燬

明正統十二年僧圓聚募建增置寺田嘉靖三

十一年僧慧琅圓壽明禧重修

萬善寺 在縣東尹公橋上岸明萬曆八年僧

正喜募建初名海會庵四十二年勅賜今額并

頒大藏經卷

孝感寺 在縣東北耿岡宋邵安簡公亢功德

院也熙寧間勅賜善慶孝感禪寺僧無業建明

正統間重建景泰間增建

慈雲寺 在陵口鎮漕渠西舊名慈雲院宋淳

祐間建明洪熙元年重建正統間增建天順三

年奏改今額後燬復建

法雲寺 在縣東五十里唐天祐九年建

九里崇福寺 在太平鄉

存心寺 在柵口鋪西舊名存心院宋嘉定間

建後兵燬明弘治八年重建正德八年改今名

藏經寺 在縣西二十五里一名藏經院宋紹

興十五年僧智堅立今廢

普慈寺 在仁和鄉崦東村宋元祐間建明洪

武中僧智暹建景泰中修葺弘治正德中有僧

號白雲靜修其中建樓曰白雲樓

報德寺 在縣東南永和鄉今廢

廣福院 在縣東觀音山舊名觀音院晉太康

中建宋治平末賜額壽聖隆興中改今名有鐘

偽吳安仁義鑄後趙善湘易去景定間僧祖權

重修元至元中普賢復創有一碧萬頃亭亭舊

名湖光嘉熙間改今名丞相吳潛書扁久廢萬

曆間知縣管應鳳重建又有玉乳泉陳文惠公

堯佐書泉名明永樂間僧文亮募修正德時給

事中湯禮敬倡始重葺

戒珠院 在縣東北蕭塘港北舊名皇基梁刺

史王僧辯建按建康實錄梁武帝大同十年幸

蘭陵於皇基寺設齋又通鑑丹陽弘氏自湘江

買木東下刺史王僧辯証之以盜沒入上方為

武帝造此寺父老云武帝墓在其下寺有梁碑

僧厭摹擾沉之塘中唐名皇業寺避元宗諱宋

改今名

復禮院

旌孝院

顯慶院

嘉山真珠院 並在永濟鄉

寶光院 在仁信鄉

古真如院 在西門外

三仙院 在練塘鄉宋紹興中僧如顯建明景

泰中僧明真重建即孫鍾瓜哇處

下莊觀音院 在壽安鄉

新游院 地藏院 圓通院

夾埤大聖院 並在太平鄉

白蓮院 延壽院 廣惠院

岳祠院 並在石城鄉

崇德院 在縣西三十里唐中和間僧惟一建

道林院 在縣西四十里唐乾寧二年僧行圓

建天祐間賜額

柳汁院 僧海澄建

崇福院 在季子廟東宋紹興間建

普化院 在縣南二十里宋建炎間僧士源建

明正統間僧禮琮募王剛許士良錢子忠王顯

源重建

昌福院 在縣西二十五里宋端平間建明景

泰三年修葺

崇慶院 在縣西二十五里許宋寶祐年間創

建

善慶院 在縣東三十里漩灣宋紹興間僧福

因建明正統間僧慧明重修

興聖院 在縣南三十里閻塘宋咸淳間僧若

川建明永樂中僧義恩義和重建宣德景泰間

相繼修葺

普賢院 在縣南十二里青陽鋪後一名聖墅
庵乃邑人爲侍郎湯東野修薦之所明景泰六
年僧明安募修弘治間築山寺僧可恩重修後
建千佛閣

寧壽院 在縣南二十里麥埤宋淳祐年間僧
宗信建明宣德九年僧宗恭募里人張文顯重
建

義行院 在縣西二十五里荻塘宋乾道間僧
德慧建明正統間增建

集慶院 在縣東十五里彭隍村宋咸淳間僧
可觀建

清涼院 在夾岡宋嘉熙間僧善涓建明景泰
間僧德徹募葺亨于文重建

奉先院 在荻塘宋乾元間僧古林建
天王院 在珥村宋咸淳中建

植德博施院 在九靈山宋叅政忠惠公翟汝
文功德院

大聖院 十所一在董庵巷宋咸淳間董八千

捨宅建明弘治八年修一在青墩宋咸淳間僧
大義建一在荆村宋淳祐間僧祖義建一在越
塘宋崇寧間侍郎湯東野建一在陵口鎮宋慶
元間蕭氏捨地居士鍾宗悟捨俗出家建寺以
家產為常住一在珥村鎮一在西膠一在橫塘
一在前周一在新埭

大慈院 在縣西二十里元泰定間僧一滿建
普濟院 在固山舊名固山庵元天曆間建明
永樂間重建

皇清康熙乙卯督學道孫允恭倡始修葺

積慶院 在縣東五十里元泰定間建
龍竿院 在縣東北五十里張村元至大間僧
了知建

大同庵 在上德鄉元延祐二年蔣山長建西
天目山明本記庵有西來井

仁壽庵 衍慶庵 普壽庵 並在桂仙
鄉

大聖庵 寧壽庵 上壩兩莊庵

永福庵 漢王興聖庵 並在太平鄉

善慶庵 龍禧庵 並在上德鄉

報恩庵 在永和鄉

顯福庵 崇報庵 並在仁信鄉

奇林庵 在縣東三十里一名永安堂元至正

間建明正統十年僧善信重修成化四年僧智

淨智澄增建

西報庵 在縣西三十五里一名西暴宋宣和

間僧慈訓建

地藏院 在金雞山西南

昌福院 在縣西二十五里都官村宋端平間

僧文瀾建明景泰中僧慧通重葺

臨濟院 在賢橋東明天順間張亨張修捨地

建立成化四年僧德國重修

慈雲院 四一卽陵口慈雲寺一去縣東三十

五里西茅一去縣東北四十五里麻屯村一去

縣北二十里尚德村石塘口

蓮堂庵 一名瑞應堂在縣東市河上元泰定

間張月堂捨地僧優曇募建明洪武四年僧宗善建正統間僧莫明鼎造成化八年被燬僧弘泉重建嘉靖中僧智能募修

六度庵 在縣治西南

般若庵 在珥塘

水西庵 在縣南三十里柳茹西宋端平間建

賈墳庵 在柳茹宋端平間建明永樂間修葺

鄧道庵 在縣北十二里宋景定間建

荆村庵 在縣東十五里宋咸淳間建明成化

十二年重修

谷隱庵 在縣西北十五里元至元間建明正

統間修葺

寶應庵 在縣西五里元大德間建明永樂間

重建成化間修葺

觀音庵 通濟庵 並元大德

間建

吉祥庵 在縣東二十五里九曲河口元至大

間建明洪武間重建正統十一年增建

廣善庵 在縣東北四十里元延祐間建明景

泰五年重修

鍾墳庵 在縣西二十里元延祐間建

前莊庵 在縣西二十五里元延祐中建明成

化八年重建

報恩庵 在縣東二十五里元延祐間建

護聖庵 在縣南米家店元泰定間建明景泰

間重建

同坑庵 在縣東四十里元泰定間建

無相庵 在縣西後觀村元泰定間建

寶林庵 在縣西南三十里元泰定間建明正

統間修葺

瑞應庵 在西市河北岸元泰定間建明洪武

正統間修葺後燬弘治八年復建

致敬庵 在呂城鎮北劉家橋側元泰定間建

明宣德六年重建弘治九年增修

菩提庵 在縣北二十里瓜渚元泰定間建

普利庵 在縣西普墅元元統間建明成化中

重建

護國庵 在北門外僧海澄重修

白龍庵 在經山後順治間建

元德庵 在縣南四十里一名倪莊庵宋開禧

間建明末樂間重建宣德四年增建

崇真庵 在太平鄉

倪莊庵 在石城鄉

西庵 在上德鄉

崇德庵 敬新庵 並在桂仙鄉

優然庵 徐庵 敬庵

東庵 並在末濟鄉

處士庵 在沈山寺北南唐沈彬故居也

都官庵 在練塘鄉女冠居之

仙臺觀 在縣西二里舊謂之黃堂道院一名

雲陽觀晉諶母於此修煉飛昇宋改今名兵燹

不存明洪武三十一年重建景泰天順成化間

相繼修葺知事翟思忠記觀有窖經墩瘞劍函

煉丹井萬曆間增建文昌閣知白堂

延昌觀 在縣南梁大同中建舊名永興寺宋治平中改爲觀賜今額今廢

凝禧觀 在縣東北四十里舊名精舍梁大同中建宋治平中改今名

大霄觀 在丁橋鎮西舊名靈應唐垂拱間建宋治平間改今額嘉定間修葺觀有令威祠劉宰記天寶橋煉丹井明洪武景泰間屢建

歸真庵 在縣東南七十里舊名東嶠觀漢焦光修煉之所唐開元間名清虛宋祥符中改今

名舊有呂洞賓透壁詩兵燹不存迄明洪熙元年重建又有丹井丹池飛昇臺迎仙橋望仙墩凝真觀 在土地橋東舊名集真道院宋紹興間建法堂經略范克信記嘉定間建後殿元大德間重建明洪武間復建天順元年賜今額後有玉皇閣

皇清順治間里人朱重建

仁靖觀 在九靈山宋忠惠公翟汝文功德院宋乾道間建明洪武間重建宣德十年增建

清微觀 在呂城鎮舊名崇壽院又作聖壽元
延祐間建翟思忠記明洪武十三年復建正統
十一年增建

三官殿 在新橋東後有文武閣道士葛守瑛
建

金壇縣

慈雲寺 在縣前東北百步梁大同初廬陵王
府兵曹周祥建宋改今額開禧中縣丞趙汝增
率衆重建太常寺丞劉宰記明萬曆癸卯僧本

安等重建大雄寶殿範銅為佛像并建藏經閣
於寺後檢討王肯堂疏

西禪寺 在縣西一里三洞鄉宋淳熙間僧法
空建明成化間僧惠顯撤而新之

皇清康熙十一年僧弘儒常悟重修邑人左布政使
于朋舉記

延慶寺 在縣西三十里諸禮村宋紹興間建
寶祐間僧了義重修

靈建寺 在縣東十五里金山鄉舊名靈塔院

後改今名寺有禪師岸公塔進士崔郢撰銘明
萬曆間僧能祥建毘盧閣以上為壇邑四大叢
林

崇聖寺 在縣西一里許舊梓墟門外始名藥
王院宋建炎初僧宗遠改建明洪武初僧智常
重修永樂間僧道實增建佛殿兩廊萬曆中因
瀕城池漸就傾圮

東禪寺 在縣東三里唐光啓間為新興禪院
宋建炎間專以奉故中書侍郎張忠穆公慤之

祀賜名篤忠顯慶院後改東禪寺宋大觀間僧
義真增建鐘樓貢士路亦臨為記至元末廢明
初僧戒持蘊珂繼葺久又廢萬曆庚寅紫柏禪
師書經於金壇王翰林肯堂與尋舊址得路貢
士所為鐘樓記深賞其文發願興復乃鬻別業
得千餘金屬僧如清造正殿三楹西方殿三楹
新禪堂五楹合寺門四面对峙居然勝區其子
懋鎔承父志至今不替隨寺有土神祠另設於
外令寺僧冬夏施茶湯以濟往來

大聖寺 在縣東四十里禮智鄉宋建炎間僧源澤建

彌陀寺 在縣東三十五里七都元延祐間僧法照建泰定間僧正新重建佛殿明永樂四年僧善潤新之

報恩寺 舊在縣西三洞鄉梁大同初兵曹周祥建宋咸淳間僧惠圓重修寺門有井因結亭以施茶湯故俗呼施水庵明洪武間僧會奕重修復今額又廢萬曆四十五年光祿寺署正於

玉理捨宅爲寺乃取舊額揭之在縣治西南南察院左天啓四年奉旨勅建在縣西南復捐田垧以供飯僧之田

布金寺 唐太和五年建舊名龍泉在華陽市後遷於方山之麓改今名後廢宋嘉定初邑人吏部尚書曾喚再建

同建寺 在三洞鄉去城五里今廢爲觀音堂普慈寺 在縣東二十里禮智鄉梁大同中建隋大業中廢唐長慶初重建

廣恩崇福寺 在縣南五十里希墟宋乾道四年建爲叅知政事張公綱功德院

北禪寺 在北城外百餘步漫塘之上旁有三元殿水神廟柯邑令去思祠康熙中僧觀如重修

勅賜圓通庵 在顧龍山舊名新興院梁大同間僧妙高創造元延祐間重修有四佛殿大悲殿宋元間畫筆尚存彌勒殿塔明太祖東征嘗駐驛於此賜名圓通庵其御亭三間正統十四

年二月僧道穎奉旨重修

顯慶院 在縣西北宋端拱間建

福仙院 在縣西南四十里新河村東宋建炎間建歲久傾圮明崇禎中僧念修重建

萬安院 在縣南四十里元至大間建

天竺庵 在縣南五十里宋紹興間天旱每禱於此元至正間僧宗員再建

二嚴庵 在朝天門外二里明萬曆四十七年賀尚書世壽屬僧卓如建

皇清順治六年孫本支募建大殿五楹康熙中僧超
仁重修庵址八畝香燈田三十九畝五分放生
池二畝

興福庵 在縣南四十里元至治間僧淨觀建

薛義庵 在縣南三十里遊仙鄉元大德二年

僧石眼建

眞如庵 在縣西四十里宋端平間僧德原建

湖溪庵 在縣南湖溪鎮元至元間建

無盡庵 在縣南二十里元至元間僧如滿建

張祠庵 在縣南四十里元天曆間建

滿相庵 在縣西四十里舊爲觀音堂元至正

間僧喜信增建

雲居庵 在遊仙鄉方山之麓

明覺庵 在縣北十里三洞鄉三十都元皇慶

間建

彭城庵 在縣西四十五里上元鄉宋端拱間

建

思敬庵 在縣東十五里元至正間僧惠誠建

墨香庵 在縣南九里村明萬曆庚寅冬達觀
禪師曾書經於此

永隆庵 在大南門外明正德間指揮僉事于
浚求嗣建萬曆甲寅僧道葉性空重修

筠溪庵 在縣西四十里遊仙鄉于巷村康熙
五年僧超龍募建

修元庵 在縣北六里西下塘村順治九年里
人張學書學道率夢說建

龍興庵 在縣東二十里前莊村宋延祐七年

建明嘉靖間僧明喜真寶重修萬曆九年又修

邑令劉美撰碑

給孤庵 在縣西南遊仙鄉元至正間建

陳塘庵 在縣東十五里宋至治三年建

南禪寺 一名法華禪林在弘化門外迤東一

里順治八年僧語上正智正修建正殿三楹禪
堂五楹左為客堂右方丈寮舍庖湏畢具

蓮花庵 在縣東北十里北渚蕩上流明崇禎

十年邑人湯允儺等建

準提禪院 在朝天門外東嶽廟右卽慈雲寺之別院康熙十三年僧雪林募建爲接待行僧之所

準提庵 在朝天門外東嶽廟左明天啓四年邑人按察司副使段鏞屬僧鑑潭且拙建

廣惜庵 在會潮關對河蜀僧圓湛初結茅於此以檢字紙爲功德朔望誦經焚之投於河明崇禎十五年衆爲建庵沿壕至拱極門道不一里其徒明指復於城闈外建茶庵三楹

護國庵 在丹陽門外三里明崇禎十三年知縣李登雲建

皇清順治五年知縣金銀建

燕洞宮 在茅山燕口洞女仙錢妙真遁化立祠之所梁邵陵王有碑今不存唐天寶七年勅賜宮額宋元祐甲辰燬遷句容縣紹興二十年復建於故基

崇禧宮 在茅山丁公山之陽卽陶隱居華陽下館唐貞觀時建太平觀宋勅改崇禧觀元延

祐六年賜名宮

皇清副靈官張光福道士張克敬等募修唐貞觀九年賜金壇縣田地塘蕩七十四頃八十九畝九分八釐歷代以來田應納錢糧七分納官三分供奉香火

太虛觀 在縣南壩之東唐經略使戴叔倫捨宅爲之舊名延真觀宋淳熙十五年改今名元末廢明洪武初道士施得成改建於市東古鎮巷末樂二年邑人潘文禮率衆重修正統間道

會王知遠復遷於舊所萬曆間邑人于束募建文昌閣戴公祠於觀左

皇清康熙十二年重修

元陽觀 在縣西六十里大茅峯南茅洞之上唐置後廢宋隆興初吳興道人沈善智穴居五十年自稱洞主時有黑虎隨其出入人皆異之後韓蘄王夫人茅氏與侍從者來訪遺跡果見黑虎從道人周旋起伏因號爲伏虎真人助貲建立殿宇後改名冲虛慶元間仍請今額爲觀

唐顧况遊元陽觀詩云此觀十年遊靈房千里宿還來舊窻下更取君詩讀則知唐以來已名元陽觀矣

洞虛觀 在縣西五十里陶村卽陶隱居故廬隱居仙去遂爲觀初名仙居石記猶存宋天禧中賜今額從事郭震記至今有隱居丹井在焉藏真觀 在大茅壘玉峰下靜一劉宗師廬墓處宋大觀初勅建崇壽觀 在縣西七十里遊仙鄉大茅峰下華

陽洞南便門之前卽晉真人任敦成道之故宅也宋元嘉十一年路太后始建壇宇太始中廬陵太守孔嗣之重立以居道士華文賢齊建元二年太祖臨幸乃勅句容人王文清爲館主開置室宇廂廊號爲崇元館唐貞觀初勅改曰崇元觀天寶七年李含光奉勅重修仍取側近百姓一百戶蠲免租徭長充修護觀有太極元年左拾遺孫處元所撰碑字漫滅不可識宋太中祥符七年賜今名元至治二年主觀張嗣貞重

修國子司業虞集撰碑

乾元觀 在縣西六十里鬱岡山梁天監中陶

隱居於此創鬱岡齋室以追元洲之蹤宋天聖

三年勅改今名明盡圯萬曆中重建大學士王

錫爵撰疏

清真觀 去縣十五里漢元壽初賜額望仙隋

大業十三年廢唐天寶間復建宋大中祥符中

賜今額寶元間建大殿前有郗尊師手植檜

集仙觀 在縣東金山鄉梁大同中初建隋開

皇末廢唐大曆三年重建

玉虛觀 在縣西四十里唐長慶中建額曰靈

寶宋治平初改今名

遊仙觀 在縣西七十里遊仙鄉宋慶元五年

請廢額建舊在縣西二十七里

王母觀 在橫堰橋東

冲寂觀 在上元鄉梁徐道士捨宅建初曰宗

真觀唐貞元中改昇元宋大中祥符中改今名

華陽觀 在崇壽觀西梁昭明太子故宅古名

鴻禧院一名福鄉館唐寶曆二年奉敕建改號寶曆崇元聖祖院時李德裕供奉孔子老子尹真人三像于此宋治平中賜名鴻禧觀宣和改賜今額

報親觀 在登榮鄉邑人趙友光建

崇真觀 在南洲去縣十里梁大同二年建隋

大業三年廢唐弘道元年復建舊名金壇觀宋大中祥符年間改今額宋陳德昭有宿崇真觀詩

修真觀 在顧龍山

崇真道院 在縣市東坊唐貞觀三年建宋紹

興間邑人李棠臣重建後廢明洪武二十五年道會袁自源重建永樂間道會張昌泰又建三清殿玉皇閣正統中道會王與善重修萬曆中閣圯重建邑人王樵改曰藏經閣爲之記萬曆中正殿燬

皇清康熙十五年重建

復陽道院 在孝德鄉宋紹興中建

佑聖道院 在孝德鄉宋紹興中建

上元道院 在大雲鄉

嗣真道院 在遊仙鄉

真武殿 在呂墟明萬曆中邑人潘鑑募建

鎮江府驛遞考

府志

丹徒縣

京口驛 原設於京口閘內臨河明萬曆七年

知府鍾庚陽改建西城臨河社稷壇左

站船一十五隻該打造銀六百兩實造十隻以

乾元亨利貞仁義禮智信為號停造五隻以抵

五年小修之費免派於民每年帶徵銀六十兩

丹徒縣銀五百二十兩每年徵銀五十二兩丹

陽縣銀四十兩每年徵銀四兩金壇縣銀四十

兩每年徵銀四兩

什物止給現在船隻該銀二十一兩

鋪陳上中下二十六副共銀一百六十二兩四錢二分十年凡三徵之該銀四百八十七兩二錢六分中間改置應有積剩約以三百五十兩每歲合徵銀三十五兩上等八副中等八副下等十副丹徒縣銀一百三十九兩一錢二分二釐每年徵銀二十九兩九錢六分丹陽縣銀一十四兩二錢五分六釐每年徵銀三兩八分金

壇縣銀九兩四分二釐每年徵銀一兩九錢六分

轎傘上轎四乘中轎六乘茶褐絹傘三把青絹傘七把雨傘十六把絹雨衣十副坐褥十塊皮坐褥十塊蓆簟十塊皮轎扣十副紅帽五十頂黃罩甲十件扇一十三把每年共量支銀四十一兩四錢六分

廩給歲用銀一千一百兩丹徒縣銀一百四十一兩二分二釐丹陽縣銀一百一兩五分金壇

縣銀八百五十七兩九錢二分八釐

水夫六百名共銀一千八十兩內停造船隻不

革夫均撥幫差丹徒縣五百二十名該銀九百

三十六兩丹陽縣四十名該銀七十二兩金壇

縣四十名該銀七十二兩

館夫十二名丹徒縣均徭編

炭渚驛 在城西五十里

湖州府馬驢額辦支應銀四十二兩三錢二分

並扣鋪陳每年銀四十三兩八分又扣馬驢價

鞍轡棕蓑雨具等銀二十七兩六分俱作支應

支用

館夫五名丹徒縣均徭編

丹陽縣

雲陽驛 初在城內臨河後以官舫不時至驛

水關夜不得扃城中因以失事改遷南門外今

仍舊

呂城驛 在呂城鎮後革

站船一十五隻該打造銀六百兩實造十隻以

溫良恭儉讓仁義禮智信為號停造五隻以抵
五年小修之費免派于民每年帶徵銀六十兩
丹陽縣銀四百兩每年徵銀四十兩金壇縣銀
二百兩每年徵銀二十兩

什物鋪陳同京口驛丹陽縣銀二十三兩五分
金壇縣銀十一兩九錢五分

轎傘上轎二乘中轎四乘茶褐絹傘三把青絹
傘三把雨傘六把絹雨衣四副轎圍六副坐褥
六塊皮坐褥六塊蓆簟六塊皮轎扣六副紅帽

三十頂黃罩甲十副扇六把每年共量支銀二
十三兩一錢四分

廩給歲用銀一千兩丹陽縣銀六百五十八兩
六錢七釐金壇縣銀三百四十一兩三錢九分
三釐

水夫六百名該銀一千八十兩內停造船隻不
革夫均撥幫差丹陽縣四百名銀七百二十兩
金壇縣二百名銀三百六十兩

館夫一十名共銀五十兩丹陽縣均徭編

步夫一百一十名每名工食銀六兩五錢共銀一百九十五兩八十名每季二十名每名季支工食銀一兩八錢共銀一百四十四兩陸路抬扛俱該縣編

金壇縣

縣前總鋪 在縣治西明洪武中知縣陳得庸建前為大門中為郵亭後為廳三門左右為廊房周繚以垣
臨河遞運所 大座船五隻每隻長七丈六尺

闊一丈三尺六寸以天字四號十六號三十一號四十七號五十七號為序十年一造每隻銀一百四十兩五隻該銀七百兩並小修每年帶徵銀一百兩每隻季編水夫一十二名共夫二百四十名每名季支工食銀一兩八錢共銀四百三十二兩

次座船十隻每隻長七丈二尺闊一丈二尺實造八隻以天字三號二十號三十六號三十八號四十六號五十三號五十四號為序停造二

隻水夫以天字三等號均撥幫差十年一造該銀一百二十兩十隻該銀一千二百兩內停造二隻以抵五年小修之費免派于民每年帶徵銀一百二十兩每隻季編水夫十名共夫四百名每名季支工食銀一兩八錢共銀七百二十兩每隻書桌二張銀三錢二分

平船十隻每隻長七丈二尺闊一丈二尺實造八隻以天字二號六號八號九號十九號二十一號三十五號三十七號爲序停造二隻水夫

于天字二等號均撥幫差十年一造每隻該銀一百兩十隻該銀一千兩內停造二隻以抵五年小修之費免派于民每年該徵銀一百兩每隻季編水夫十名共夫四百名每名季支工食銀一兩八錢共銀七百二十兩

搖船二十八隻每隻長六丈一尺五寸闊一丈一尺五寸實造二十二隻以天字一號五號七號十號十四號十五號二十四號二十五號二十七號二十八號二十九號三十號三十一號

三十三號三十四號四十號四十一號四十二號四十四號四十五號四十八號五十號為序停造六隻水夫均撥幫差十年一造每隻該銀六十兩二十八隻該銀一千六百八十兩停造六隻以抵五年小修之費免派于民每年該徵銀一百六十八兩每隻季編水夫八名共夫八百九十六名每名季支工食銀一兩八錢共銀一千六百一十二兩八錢每隻書桌一張銀一錢六分

丹徒縣銀五十六兩丹陽縣銀二百二十四兩金壇縣銀二百八兩丹徒縣水夫二百四十名該銀四百三十二兩丹陽縣水夫九百四名該銀一千六百二十七兩二錢金壇縣水夫七百九十二名該銀一千四百二十五兩六錢防夫二百四十名每季六十名每名工食銀一兩五錢共銀三百六十兩各夫輪流所在走差押解囚犯丹徒縣防夫八十四名該銀一百二十六兩丹陽縣防夫六十八名該銀一百二兩

金壇縣防夫八十八名該銀一百三十二兩
鋪陳中等八副該銀五十六兩一錢六分下等
一十副該銀一十八兩九錢丹徒縣銀九兩五
錢三分每年帶徵銀二兩二錢八分八釐丹陽
縣銀三十四兩四分二釐每年徵銀八兩一錢
七分二釐金壇縣銀三十一兩四錢八分零每
年徵銀七兩五錢六分

貼關米五斗同知韓克濟議舊止銀二百九十
三兩一錢水夫屢告受累今蒙本院面議加銀

三百六兩九錢共銀六百兩徵貯府庫照費給
發丹徒縣銀五十兩五錢丹陽縣銀一百二十
五兩四錢七分一釐金壇縣銀四百二十四兩
二分九釐

馬驢定例如有將馬驢不行用心喂養倒死在
一年內者決打買補二年內者賠償一半三年
無損者賞銀四兩四年賞銀五兩五年則並馬
驢賞之官另給價收買果有事出不虞驗實就
中通融給補不可復派於民歲徵銀兩入循環

簿查考久之積餘數多良有司酌量議免可也
本府歲辦例上馬每匹價銀一十六兩鞍轡銀
二兩五錢棕蓑雨具銀一兩二錢工食銀八兩
四錢草料銀六兩
中馬每匹價銀一十四兩鞍轡銀一兩七錢棕
蓑雨具銀九錢工食銀八兩四錢草料銀六兩
下馬每匹價銀一十二兩鞍轡銀一兩五錢棕
蓑雨具銀七錢工食銀八兩四錢草料銀五兩
五錢

驢五頭每頭價銀三兩鞍轡銀四錢雨傘銀一
錢工食銀六兩草料銀三兩共銀一十二兩五
錢

湖州府歲解例上馬中馬下馬匹並驢價值鞍
轡棕蓑雨具工食草料俱同本府但下馬並驢
原派銀多下馬每匹該扣存鋪陳支應等銀七
兩二錢三分驢每頭該扣存鋪陳支應等銀七
兩五錢

京口驛本府歲辦馬驢除鋪陳支應銀三十三

兩七錢免派于民又除工食草料鞍轡雨具銀一百三十三兩八錢聽馬驢頭自取外內丹徒縣該銀八十八兩三錢丹陽縣該銀二十六兩五錢金壇縣該銀一十九兩上馬二匹實徵銀三十二兩中馬二匹實徵銀二十八兩下馬一匹實徵銀一十二兩驢五頭實徵銀一十五兩以上共實徵馬驢價銀八十七兩丹徒縣銀六十四兩丹陽縣銀一十七兩金壇縣銀六兩湖州府歲解馬匹除給工食草料鞍轡雨具銀

八十六兩三錢外上馬二匹實該銀四十七兩八錢中馬二匹實該銀四十二兩下馬一匹實該銀一十九兩二錢三分每歲實收銀一百九兩三分內銀十一兩三錢八分係扣存之數

以上除工食草料鞍轡雨具外本府並湖州府上馬四匹共銀七十九兩八錢中馬四匹共銀七十兩下馬二匹共銀三十一兩二錢三分驢五頭共銀一十五兩每年通計銀三兩共銀一百九十六兩三分十年該積銀一千九百六十

兩三錢大約三年可免一年在後良有司加意耳

炭渚驛同知韓克濟議炭渚驛亦是取道過京一路可當龍潭五之二而支費僅得龍潭之一官吏告累久矣今蒙本院議令于府置鋪陳內給中鋪陳一副下鋪陳四副其每年扣下鋪陳支應等銀一百一十二兩四錢六分按月發與官吏督同馬驢頭輪班支應每月准除紙劄銀三錢每日准除打探夫三名每名銀三分共銀

九分吏一名銀三分月終送府查算如年終再有不敷聽於馬驢價內申請支補

湖州府歲解馬驢除給工食草料鞍轡雨具銀二百二十一兩二錢外上馬五匹實該銀八十兩中馬三匹實該銀四十二兩下馬二匹實該銀二十四兩驢五頭實該銀一十五兩以上實收銀一百六十一兩

嘉靖間民糧每遇編派水馬緣優免不等比時照數依例查免淨將實存民糧計數分作船馬

各半派辦

各船季夫防夫每名遞年季給工食銀一兩八錢俱該本府給發由帖收執照糧出辦其各支糧照季挨次輪流在驛所支應凡遇船隻修造亦照帖定三年一小修五年一大修十年一打造亦該糧戶照糧出辦于季頭季頭貼備于船頭買料修造

驛所支糧答應過往使客多寡不一在船修造亦有費用大小不等以此加減無常預難定擬

京口炭渚二驛驢馬頭俱各自行取討遞年赴驛雇募走支

舊時民戶赴驛支糧雇夫遇進龍衣進貢進鮮及要路等船到驛用夫有至數百名者支廩給口糧下程等項有至數十分者當之者立致破家近改徵銀在官前項應付悉屬之官民甚便之

鎮江座船江湖中人稱曰黑樓子船以水手慣習行程無滯士大夫多乞覓之而不知一船之

造百物皆具及一差既回百物俱無又費打造
其害不小近年本府停造破沉船若干隻民力
稍寬各官所乘坐必不可缺者官修官造不復
及民豈非斯民未久之賴哉

